

DAGSORDEN Kommunalbestyrelsi d. 23-05-2022

Mødedato Mandag d. 23. maj 2022 kl. 16:00

Mødested Kommunalbestyrelsip ataatsimiittarfiani

Indholdsfortegnelse

Saqqaa.....	3
Oqaluuserisassat akuerineqarnerat.....	4
Annertusisamik ingerlatsinermik kukkunersiuineq.....	5
Kommunip suliffeqarfiutai.....	8
Lukket.....	17
Imaqarniliap akuerineqarnera.....	18

Punkt .: Saqqaa

Ilaasortat

Charlotte Ludvigsen (IA)
Juaaka Lyberth (IA)
Uju Petersen (IA)
Avaaraq S. Olsen (IA)
Inge Olsvig Brandt (IA)
Naya-Sophia Lyberth (IA)
Mia Skifte Lynge (IA)
Lone Rosengreen Pedersen (IA)
Harald Bianco (IA)
Justus Hansen (D)
Poul Petersen (D)
Inga Dóra G. Markussen (S)
Dorthe-Marie Mogensen-Fontain (S)
Peter Davidsen (S)
Mala Høy Kûko (S)
Laura Táunâjik Uitsatikitseq (S)
Dines Mikaelson (S)
Ken Madsen (N)
Finn Karlsen (N)

Beslutning

Ataatsimeeqataasut:

Charlotte Ludvigsen (IA)
Juaaka Lyberth (IA)
Uju Petersen (IA)
Avaaraq S. Olsen (IA)
Inge Olsvig Brandt (IA)
Naya-Sophia Lyberth (IA)
Mia Skifte Lynge (IA)
Lone Rosengreen Pedersen (IA)
Harald Bianco (IA)
Poul Petersen (D)
Inga Dóra G. Markussen (S)
Peter Davidsen (S)
Mala Høy Kûko (S)
Dines Mikaelson (S)
Finn Karlsen (N)

Attaveqaatitigut peqataavoq:

Justus Hansen (D)
Dorthe-Marie Mogensen-Fontain (S)
Laura Táunâjik Uitsatikitseq (S)
Ken Madsen (N)

Punkt .: Oqaluuserisassat akuerineqarnerat

Beslutning

Oqaluuserisassat amerlanerussuteqartunit akuersissutigineqarpoq.

Oqaluuserisassani immikkoortoq 2 Siumumit akuerineqanngilaq, kissaatigineqarlunilu oqaluuserisassaq ataasinngorneq maajip 31-nut nuutinneqassasoq taamatuttaaq ilanngusat 1 aamma 2 ammasumik inissineqassasut:

Taasisitsineq:

Oqaluuserisassap kinguartinneqarnissaanut aammalu ilanngussat matoqqasunngortinneqarnissaanut akuersissut: 8.

Oqaluuserisassap kinguartinneqarnissaanut aammalu ilanngussat matoqqasunngortinneqarnissaanut akuersinngitsut: 11.

Punkt 1: Annertusisamik ingerlatsinermik kukkunersiuineq

Beslutning

Ilisimatitsissut amerlanerussuteqartunit (IA, N aamma D) tusaatissatut tiguneqarpoq.

Siumumit ikinnerussuteqartutut oqaaseqaat: Siumut ilisimatitsissut tusaatissatut tigunngilaa, isumaqaratta arlaannaanulluunniit attuumassuteqanngitsumik kukkunersiuisoqarnissaanik Siumut siullermik piumasaa atuutsinneqanngitsoq.

Aappassaatut kukkunersiuineq saqqummiunneqarpoq pingasoqiusanngorlugu, allaffeqarfiullu allassimasut aaqqissuuteqqissimavai. Tamanna tutsuiginarunnaarsitsivoq. Ingerlatsivimmi kukkunersiuineq arlaannaanulluunniit attuumassuteqanngitsumit ingerlanneqartussaavoq, matumanilu ingerlatsivimmi kukkunersiuinermi kukkunersiuisut ukiup siuliani nammineq kukkunersiuikkaminnik kukkunersiuueqqinnerata assigaa.

Allaffeqarfik isornartorsiorneqarnikuuvoq, kisiannili kiap kommune millioninik arlalinnik akiligassaqaalersissimaneraa eqqartorneqarnikuunngilaq.

Bilag

Annertusisamik ingerlatsinermik kukkunersiuineq

Ingerlatsinermik kukkunersiuinermik malinnaaffiginninneq



Annertusisamik ingerlatsinermik kukkunersiuineq

Ineqarnermut tunngasunik aqutsineq

Ilisimatitsissut

SagsID.: EMN-2022-03496

Suliffeqarfimmut Kiffartuussivik - kommunaldirektør Ole Jakobsen / OJAK

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Aningaasaqarnermut Inuussutissarsiornermullu Ataatsimiititap ulloq 24. juuni 2021, Namminersorlutik Oqartussat kommuninik nakkutilliinerat kiisalu kommunip iluani misissuinerit arlallit tunngavigalugit, ineqarnermut tunngasut tamaasa pillugit, tamatumani Kommuneqarfik Sermersuup Iserit A/S-illu isumaqatigiissutaat ilanngullugit, ingerlatsinermik kukkunersiuisoqarnissaa aalajangerpaa.

Ingerlatsinermut kukkunersiuineq 2021-p naalernerani-2022-p aallartinnerani Deloittemit ingerlanneqarpoq, tassanilu suleriaatsimit suut ilikkagaqarfigineqarsinnaanersut qulaajaaffiniarlugu attartornermut-attartortitsinermut isumaqatigiissutit suliarineqartarnerat misissorneqarlutik - kiisalu siunissaq eqqarsaatigalugu kommunip iliuuserisinnaasaattut periarfissat qulaajarneqarlutik.

Ingerlatsinermik kukkunersiuinermit ilanngunneqarput aamma inissianik assigiinngitsunut (kommunip inissiaatai nalinginnaasut - isumaginnikkut inissiat, sulinermit atatillugu inissiat il.il.) atatillugu allaffissornikkut suleriaatsinik misissuineq.

Naggataatigullu ingerlatsinermut kukkunersiuinermit sanarfinermut tunngasuni aqutsinermut atatillugu suleriaatsit toqqartukkat misissorneqarneranik imaqarpoq, tassunga ilanngullugit ineqarnermut tunngasuni nunaminertanik atugassiinerit kiisalu sanaartornissamut akuersissutit kiisalu pisortanit inissianut taarsigassarsinissamut aamma ineqarnermut tapiissutinut akuersissutit aqunneqarneri.

Nalunaarusiami, ilanngussatut ilanngunneqarsimasumi, ingerlatsinermut kukkunersiuinermit inernerit eqikkarneqarput.

Suliat amerlanersaat pissutsillu ingerlatsivimmi kukkunersiuinermit eqqaaneqartut ingerlaavartumik Aningasaqarnermut Inuussutissarsiornermullu Ataatsimiititamut Kommunalbestyrelsimullu saqqummiunneqartarput, tamannalumi aamma nalunaarusiami erseqqissumik allaqqavoq. Tamatuma saniatigut ingerlatsivimmi kukkunersiuineq Kommunalbestyrelsimut 21. februaari 2022-mi Deloitte´imit nassuiaatigineqarpoq. Aammattaaq Kommunalbestyrelse attartortitsinermut atukkiussinermullu isumaqatigiissutinut siunnersuummik saqqummiussiffigineqarpoq aammalu attartornermut akiliutissat aalajangersarneqarnissaat saqqummiunneqarpoq attartortitsinermut peqqussummi § 33 malillugu, inissialionermit aningaasalersuinissamut taarsigassarsinissamut atatillugu.

Ingerlatsivimmit aningaasatigut sulisoqarnikkullu naliliinerit

Annertusisamik ingerlatsinermik kukkunersiuineq missingersuutinut 500.000 koruuninik artukkiivoq.



Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatitalit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Siusinnerusukkut aalajangiinerit

Aningaasaqarnermut Inuusutissarsiornermullu Ataatsimiititaq, 28.04.22:

Oqaluuserisassaq tunuartinneqarpoq, immikkut ittumik ataatsimiinnermi sammineqarnissaa siunertaralugu.

Aningaasaqarnermut Inuusutissarsiornermullu Ataatsimiititaq, 16.05.22:

Ilisimatitsissut amerlanerussuteqartunit (IA aamma N) tusaatissatut tiguneqarpoq.

Siumumit ikinnerussuteqartutut oqaaseqaat: Siumut ilisimatitsissut tusaatissatut tigunngilaa, isumaqaratta arlaannaanulluunniit attuumassuteqanngitsumik kukkunersiuisoqarnissaanik Siumut siullermik piumasaa atuutsinneqanngitsaq.

Aappassaatut kukkunersiuineq saqqummiunneqarpoq pingasoqiusanngorlugi, allaffeqarfiullu allassimasut aaqqissuuteqqissimavai. Tamanna tutsuiginarunnaarsitsivoq. Ingerlatsivimmi kukkunersiuineq arlaannaanulluunniit attuumassuteqanngitsumit ingerlanneqartussaavoq, matumanilu ingerlatsivimmi kukkunersiuinermi kukkunersiuusut ukiup siuliani nammineq kukkunersiuikkaminnik kukkunersiuueqqinnerata assigaa.

Allaffeqarfik isornartorsiorneqarnikuuvoq, kisiannili kiap kommune millioninik arlalinnik akiligassaqalersissimaneraa eqqartorneqarnikuunngilaq.

Siumut Aningaasaqarnermut Ataatsimiititami imaluunniit Kommunalbestyrelsimi 20 mio. koruuninik taarsigassarsiniarnissamik neriorsuuteqarneq akuerinikuunngilaa. Taamaattumillu qupp. 8-mi oqaaseqatigiit imaalillugit allanngortinneqarnissaat piumasarivarput: Kommunalbestyrelsimi amerlanerussuteqartut kingornagut ataatsimiinnermi 23.11.2021 imm. 25-mi 20 mio. koruuninik akisussaassuseqartumik taarsigassarsiniarnissaq akuersissutigaat.

Siumut Kommunalbestyrelsip ataatsimiinnerani apeqqutinik allanik saqqummiussiumaarpoq.

Demokratinit ikinnerussuteqartutut oqaaseqaat: Oqaluuserisassaq taamatut isikkoqartillugu massakkut isummerfigineqanngilaq. Kommunalbestyrelsip ataatsimiinnerani isummerfigineqarumaarpoq.

Ilanngussat

1. Annertusisamik ingerlatsinermik kukkunersiuineq
2. Ingerlatsinermik kukkunersiuinermik malinnaaffiginninneq

Punkt 2: Kommunip suliffeqarfiutai

Beslutning

Inassuteqaat amerlanerussuteqartunit (IA, N aamma D) akuersissutigineqarpoq.

Siumut inassuteqaat akuerinngilaa. Ikinnerussuteqartutut Siumumit oqaaseqaat: Siumut isumaqarpoq taarsigassarsiniarnissamat tunngatillugu inassuteqaat naammattumik erseqqissaatitaqanngitsoq, naatsorsorneqarnerani kisitsisit suut tunngavigineqarnersut, aammalu sooq eqqoqqissaartumik 1.25 mia. koruunit taaneqarnersut.

Siumut isumaqarpoq NCD'p Iserit A/S'illu kattunnissaannut pilersaarutit unitsinneqartariaqartut killiffissiuinermillu suliaqartoqartariaqartoq, taamaalilluni naatsorsuutit 1. januaarimiit maajip 23-ata 2022-p tungaanut suliarineqarsinnaanngorlugit.

Siumut kissaatigaa ilanngussaq 1 aamma 2 ammasumik pissarsiarineqarsinnaasunnngortinneqassasut, suliat erseqqissaassutigineqarnissaannut uppersaartit pingaaruteqarmata.

Siumut NCD'p Iserit'imut kattutsinnissaa isumaqatiginngilaa saqqummiunneqartut aallaavigalugit aammalu NCD'mi aqutsisut siulersuisullu akisussaaffii ersersinneqaquai taamak sakkortutigisumik alloriartoqarnissaanik kinguneqartut.

Bilag

Inuiaqatigiinnut aningaasaqarnikkut kingunerisassanik nalilersuineq

Piumasaqaatit pingasut pillugit sulinermi najoqqutassaq

Akiitsut erniallit ilanngaaserikkat siumoortumik akiliuteqarfiginissaat pillugu nassuiaat

Pisortat namminersortullu peqatigiillutik aningaasalersuineranni pitsaaqutit pitsaanngequtillu

Naalackersuisunut ilisimatitsissut 23. maaji 2017-imeersoq

NyKreditimit maili

Aningaasaqarnermut Naalackersuisoqarfimmit maili

NCD ilanngussanut erseqqissaat

Kommunip ingerlatsiviutai

Kattussuunnermi akileraarutitigut naatsorsuutitigullu kingunerisassai pillugit nassuiaat

Kommunip suliffeqarfiutai

Immikkoortoq matoqqasoq:

Sanaartornermut aamma atuarfinnut meeqqerivinnullu tunngasut Siorarsiorfik Nuuk City Development A/S-imiit kommunimut nuunneqarnissaat

Sanaartornermut aamma atuarfinnut meeqqerivinnullu tunngasut Siorarsiorfik Nuuk City

Development A/S-imiit nuunneqarneranni aningaasaliinissamut aningaasanik taarsigassarsinissaq Siorarsiorfik - Nuuk City Development A/S-ip ingerlatseqatigiiffittut Iserit A/S-imut kattutsinneqarnissaa

Aalajangiiffigisassaq

SagsID.: EMN-2022-04098

Suliffeqarfimmu Kiffartuussivik - Kommunaldirektøri Ole Jakobsen/ OJAK

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- ingerlatseqatigiiffiit Siorarsiorfik Nuuk City Development A/S aamma Iserit A/S 01.01.2022 aallarnerfigalugu kattutsinneqassasut Iserit A/S-ilu ingerlatseqatigiiffittut ingerlatinneqassasoq
- sanaartukkat naammassisat sanaartugassallu pilersaarutaasutut ingerlanneqartut illunut ingerlatsinermit attuumassuteqartut (atuarfiit aamma meeqqeriviit) Siorarsiorfik Nuuk City Development A/S-imiit kommunimut nuunneqassasut
- Siorarsiorfik Nuuk City Development A/S-imiit sanaartornermut aamma atuarfinnut meeqqerivinnullu tunngasut nuunneqarnissaasa aningaasaliiffiginissaanut kiisalu aningaasatigut upalungaarsimanissamut 1.250.000.000 koruuninik taarsigassarsinissamut akuersissummik kommunip pinissaa eqqarsaatigalugu "siunniussaartoqarnissaa" »letter of intent« anguniarlugu Kalaallit Nunaanni Namminersortutik Oqartussani Aningaasaqarnermut Naligiissitaanermullu Naalakkersuisoqarfimmu kommunip allaffeqarfia saaffigininnissamut pisinnaatinneqassasoq
- aningaasanik 1.250.000.000 koruuninik taarsigassarsinissamut neqeroortitsisoqarnissaanut kommunip allaffeqarfia pisinnaatinneqassasoq

Suliassamik saqqummiussineq

2016-imi aamma 2017-imi Siorarsiorfik pillugu pilersaarut politikikkut aalajangiiffigineqarpoq, taannalu pingaarnertut pingasunik tunngaveqarpoq:

- Siullertut neqeroortitsissutit angisuut, assersuutigalugu atuarfissarsuaq pisortat namminersortullu suleqatigiittarnerat (OPP) naapertorlugu sanaartorneqassasoq.
- Pisortat namminersortullu suleqatigiittarnerat (OPP) taannaavoq pisortani oqartussaqaarfiup aamma namminersortut akornanni illuliornissamut imaluunniit sanaartornissamut pilersaarutit sukumiisut pillugit suleqatigiinnerat.

Taamaattumik pisortat namminersortullu suleqatigiittarnerat suliariumannittussarsiuussinermut assinguvoq, tassami namminersortut taakkuupput annerpaartaanik aningaasaliisuusartut. Suliap pineqartup aningaasalersornera, ilusilersornera, pilersinnera, ataavartumik ingerlanneqarnera aamma aserfallatsaalineqarnera ataatsimut OPP-mut pilersaarutitut taallugu neqeroortitsissutaassaaq. Pisortat sanaartornermut imaluunniit illuliamut pineqartumut ataavartumik atuinerminut akiliuteqassapput – nalinginnaasumik ukiuni 20-niit 40-nut sivissuseqartumik. Pisortat namminersortullu suleqatigiittarnerat atorneqarmat kommunimi pilersaarutitut tassani kommune sanaartornermut ingerlatsinernullu

aningsaliisuuneratulli pisortani oqartussaqaqfiup aningaasaqarneranut artukkiisoqassanngilaq.

Atuarfissap nutaap neqeroortitsissutigineqarnerani OPP-mik pilersaarutitut neqeroortitsissutaassasoq aallaavigineqarpoq. Siorarsiorfik - Nuuk City Development A/S-imut (kingorna ima taaneqarluni: NCD A/S) OPP-mik suleqatissarsiornermi imaluunniit ingerlatsinikkut suleqatissarsiornermi avataaniit aningaasaliissarsiorneq iluatsiffiunngilaq. Atuarfissap neqeroortitsissutigineqarnerani ileqquusumik totalentreprisetut neqeroortitsissutigineqarpoq, ilaannakortumik realkreditlån atorlugu aningaasaliiffigineqarluni.

- Aappaattut Karolinska OPP-mik periuseq naapertorlugu siumut akiliisoqartussaavoq, tamannalu ima paasineqassaaq atulersitsinermi sanaartornermut aningaasartuutaasut katillugit 30 aamma 40 procentit akornanni kommune siumoortumik akiliuteqassasoq. Tamatumunnga aningaasanik immikkoortitsisoqarnikuunngilaq/katersisoqarnikuunngilaq.
- Pingajuattut Siorarsiorfimmu pilersaarutip ilaa sanaartorfissamik pisinnaatitaaffeqarfigineratigut (nunaminertanik atugassiinerni) aningaasaliiffigineqartussaavoq/piviusunngortinneqartussaavoq tunngaviatigullu piorsarlugulu isumaqatigiinniutigineqarsinnaalluni. Tamatuma kingornali qulaajaasoqarpoq sanaartorfissamik pisinnaatitaaffiit (nunaminertamik atugassiinerit) tuniniarneqarsinnaanngitsut.

Tunngaviusut pingasut siuliani taaneqartut: 1. OPP-mi neqeroortitsineq, 2. Karolinska-mik periuseq siumoortumik akiliutitalik taavalu 3. sanaartorfissamik pisinnaatitaaffiit / nunaminertat atugassat akeqanngitsut tunngaviatigut isumaqatigiinniutigineqarsinnaasut, kingornagut paasinarsivoq malinneqarsinnaanngitsut. Pissutsit pingasuusut pingaarnerit siuliani taaneqartut naammassineqannginnerisa kingunerisaanik – kiisalu pissutsit kommunimit akikinnerusumik aningaasaliiffigitissinnaaneratigut NCD A/S-ip atuutsiinnarnissaanut tunngavissaaruppoq. OPP taarsiullugu maanna NCD A/S-iulerpoq taarsigassarsinikkut aningaasaliilluni sanaartortunngorlunilu sanaartukkanik piginnittuulluni kommunimullu attartorteqqitassanngortillugit.

Attartornermut isumaqatigiissutinik akuersissuteqarneq

Kommunip aamma NCD A/S-ip akornanni attartornermut isumaqatigiissutit Namminersorlutik Oqartussanit akuersissutigisassanngortinneqarneri siunertaralugit kommunip Namminersorlutik Oqartussanut saaffiginninneranut atatillugu Aningaasaqarnermut Naligiissitaanermullu Naalakkersuisoqarfimmit ima oqaaseqaateqartoqarpoq: *"Aningaasaqarnermut Naalakkersuisoqarfiup aaqqiissutissatut periutsit assigiinngitsut ammaffigai, taamaattoq periutsinik peqarpoq atuarfinnik meeqqerivinnillu pineqartunik kommune toqqaannartumik piginnittuusussatut peqataatinneqarluni. Attartortitsineq taama isikkoqartillugu aningaasaleeriaatsitut pissusissamisuunngitsutut akisuallaartutullu isigineqartoq, ilaatigullu kommunit pillugit inatsit atuuttoq kommunillu ingerlatseqatigiiffiisa taarsigassarsisarnerat eqqarsaatigalugit inatsisitigut apeqquusernartoqarluni."*

Kommunimi pingaarnertut suliassat kommunimit sanaartorneqarlutillu, pigineqarlutillu ingerlanneqassasut Aningaasaqarnermut Naalakkersuisoqarfimmiit oqariartuutigineqarpoq. Ilaatigut tamanna tunngavigalugu inassutigineqarpoq sanaartukkat naammassereersut sanaartugassatullu pilersaarutit ingerlanneqartut Siorarsiorfik Nuuk City Development A/S-imiit ingerlatsineri illunat attuumassuteqartut kommunimut tunniunneqassasut.

Matumani eqqaamaneqassaaq kommunip aallaqqaasiullugu misissuineri naapertorlugit aningaasaliinissaq ingerlatseqatigiiffikkoortinneraniit kommune nammineerluni

taarsigassarsigaluaruni aningaasartuutissakinnerusussaammat. Tamatuma saniatigut pilersaarutitut atatillugu Namminersorlutik Oqartussanut akuersissutinik pisarialinnik pissarsiniartoqarsimanngilaq aamma aningaasaliinissaq NCD A/S aqqutigalugu pissappat Namminersorlutik Oqartussanik oqaloqateqartarnerit aporfeqarlutik ingerlanneqarsimapput.

Aningaasaqarnermut Naligiissitaanermullu Naalakkersuisoqarfimmik 2022-mi apriliip ulluisa 20-anni aallarniutaasumik ataatsimiinnermi naalakkersuisoqarfimmit uppersarsarlugu oqaatigineqarpoq taarsigassarsinissaq siunertarineqartoq missingersuusiortarnermut inatsimmi § 6 malinneqanngitsoq: *"Naalakkersuisut inissianut, inuussutissarsiutinut attaveqaatinullu suliniutinut aatsaat taarsigassarsinnaallutilluunniit taarsigassarsinissamut akuersisinnaapput, atuisut akiliutaat, pisortat aningaasartuutaasa annikilliasat pisortalluunniit kinguneqaatitut isertinneruligassaasa minnerpaamik taarsigassarsiamut atasumik erniat taarsersuutitullu akiliutit matussusersinnaappasigit."*, pissutigalugu nalinginnaasumik kommunimit atuarfiliortoqarnera pineqarmat akileeqqusisoqarnanilu ulluuneranilu ornittakkanut tunngatillugu ilaannakortumik atuisut akiliuteqarnissaat piumasarineqarluni.

Imaappoq, iluanaarutaasussanik aningaasaliissuteqartoqarpat (inissianik, suliffeqarfinnik imaluunniit attaveqaasersuutinik) aningaasaliineq imminut akilertussaavoq, atuisut akiliuteqartinnerisigut imaluunniit taarsiullugu sipaaruteqarnikkut. Atuarfiit meeqqeriviillu eqqarsaatigalugit piumasaqaatit assingi atuupput, pissutigalugu suliassat tamakku kisiisa kommunip taarsigassarsiniarnissaminut Naalakkersuisunut akuersissuteqarfigeqqullugit qinnuteqaatigisussaammagit.

NCD A/S-ip ingerlanneqarnera

NCD A/S-ip ingerlanneqarnerata aningaasaliiffigineqartarnera maannamut pisimavoq Kommuneqarfik Sermersuup ukiumoortumik ingerlatsinikkut 8 mio. koruuninik tapiissuteqartarneratigut kiisalu inissiat 1.006-it missaanniittut 2018-imi ingerlatseqatigiiffimmut tunniunneqartut attartortinnerisigut "sinneqartoorutinit" (iluanaarutigalugu aningaasaatit), ukiumoortumik 14 mio. koruunit missaanniillutik. Inissiat 1.006-it attartortittakkat taarsigassarsinissamut qularnaveeqqutitut atorneqarniassammata NCD A/S-imut tunniunneqarput. Inissiat attartortinneqarneri, aqunneqarneri ingerlanneqarnerilu Iserit A/S-imit isumagineqarput.

Iluanaarutitut aningaasaatit ingerlatseqatigiiffiup ingerlanneqarneranut atorneqarput – annerusumik akissarsianut, aammali pilersaarutit aningaasartuutaannut, ilaatigut pilersaarutit piviusunngortinneqarsimanngitsut taamaalillutillu avataaniit aningaasaliiffigineqartunut. Ingerlatseqatigiiffiup siulittuutigineqartutut inissiat tuniniarnerinit naatsorsuutigisamik aningaasanik pilersitsivigisimanngilai, soorluttaaq attartornermut qaffaataasussat siulittuutigineqartoq piviusunngorani.

Sanaartukkat atulersinneqarnerinut attartornermut isumaqatigiissusiortoqanngilaq suli, taamaammat kommune attartornermut suli akiliinani. Illuttaaq atorneqalereersut akilernerisa 30 procentii naatsorsuutinut ilanngunneqanngillat. Illoqarfimmi atuarfiup kommunimit attartorneqarnissaanut suli pituttuisumik isumaqatigiissusiortoqarnikuunngimmat, atuarfiup inaarutaasumik aningaasaliiffiginissaanut aqqiissutissamik NCD A/S suli isumaqatigiissuteqanngilaq.

Ingerlatseqatigiiffik Nykredit-imi sisamanik aningaasanik katillugit 300 mio. koruuninik taarsigassarsiaqarpoq kiisalu Grønlandsbanken A/S-imi 100 mio. koruuninik aamma Bank Nordic A/S-imi 200 mio. koruuninik kassekredit-inik taarsigassarsiaqarluni – katillugit 300 mio. kr. Kiisalu naggataatigut ingerlatseqatigiiffik kommunimit 20 mio koruuninik taarsigassarsiaqarpoq. Ingerlatseqatigiiffik taamaalilluni 620 mio. koruuninik taarsigassarsiaqarlunilu akilersugassaqarpoq. Taamatut aningaasaleeriaaseqarneq annerusumik meeqqerivittut sanaartukkanut kiisalu atuarfiup a'conto-tut akilikkamut atorneqarpoq.

Sanaartornerup ingerlanneqarnerani sanaartornermi aningaasartuutit matussusernissaanut atugassat pillugit Grønlandsbanken kommunimi allaffeqarfimmit oqaloqatigineqaleruttorpoq aamma inaarutaasumik aningaasaliiffigineqarnissaa eqqarsaatigalugu assingusumik Nykredit oqaloqatigineqaleruttorluni. Meeqqueriviit atuarfillu matumani pineqarput.

NCD A/S-ip inissiat attartortittagai NCD A/S-imut tunniunneqarnerini siullermik siulittuutigineqartumit aserfallatsaalineqarnissaanik pisariaqartitsineq annertunerujussuuvoq. Taamaalillunilu paasinarsivoq siulittuutigineqartumut sanilliullugu aserfallatsaaliuinissaq siusinnerusumik ingerlattariaqartoq.

Sanaartornermut aki qaffalluni imaluunniit akisunerulerluni kommunimut attartornermut akiliut qaffasinnerulerluni, NCD A/S atorlugu atuarfiliornissamut meeqqeriviliornissamullu kommune missingersuutitigut immikkut sillimaniangilaq imaluunniit nalorninartunut killilersuinngilaq.

Aningaasaliinissamut pilersaarut/missingersuutit iluarsineqartut kingulliit naapertorlugit sanaartugassat ataatsimut tunaartarisaat siuliani taaneqartut 2022-p naanerani tigoraaannatigut ingerlatseqatigiiffimmut ajornartorsiortitsisinnaapput.

2022-mut missingersuutinut atatillugu aalajangerneqarnikuuvoq siumoortumik akiliutissanut immikkoortitsisoqassanngitsoq, taarsiulluguli kommunimut qaffasinnerusumik akiliititsisoqarnissaa akuerineqarluni.

Allaffeqarfiup innersuussutaa

Allaffeqarfiup inassuteqaatigaa sanaartukkat naammassisimasut sanaartugassatullu pilersaarutit ingerlanneqartut illunut ingerlatsinnermut attuumassuteqartut kommunimut nuunneqassasut. Taamaaliortoqassaarlu illut pigisat atulersinneqarsimasut piginnittuunermut uppersaatiit kommunimut tunniullugit, sanaartukkallu ingerlasut entreprise atorlugu isumaqatigiissutitigut allagartap tunniunneratigut. Suliassat aallartinneqanngitsut attatiinnarneqarusuttut kommunip sanaartornermut missingersuutaanut toqqaannartumik ilanngunneqassapput.

Aallaqqaasiullugu misissuinerit kommunimit ingerlanneqartut naapertorlugit paasinarsivoq, ingerlatseqatigiiffik aqcutigalugu aningaasaliisoqarniarneraniit kommune nammineerluni taarsigassarsissagaluaruni aningaasartuutikinnerussasoq. Tamatuma saniatigut taamatut aaqqiissuteqarnikkut siunissami aaqqiissutissaasut eqqarsaatigalugit iliuuseqarneq ersarinnerpaalissaaq peqataanillu maannamut periusaasoq naapertorlugu pissusissamisunngitsumik ingerlatsineq pinngitsoortinneqarsinnaassalluni.

Aammattaaq ingerlatseqatigiiffimmut tamakkiisumik pigineqartumut suliassanik neqeroortitsissutitaqanngitsunik sulariumannittussarsiuussineq eqqarsaatigalugu ajornartorsiuteqassappat aaqqiissut matumani iluaqutaassaaq, ingerlatsivimmik kukkunerisiuineri nalunaarusiami oqaaseqatigiit innersuussutigineqarput.

Aaqqiissut ima tunngaveqassaaq

- aningaasaliinissamut kommune taarsigassarsissasoq matumani immikkoortoq immikkut aalajangiiffisassaq innersuussutigalugu, matumani pisarialimmik aningaasaliisoqarnissaanik Naalakkersuisut akuersissummik tunniussinissaat ilanngullugu
- kommune toqqaannartumik ingerlatseqatigiiffik taarsiullugu sanatitsisunngussasoq atuarfimmik sanasup akuerissagaa
- kommunimi sanaartornermut immikkoortortaq annertusineqassasoq taamaalilluni pilersaarutit ingerlanneqartut ilaatigut sularisinnaaniassammagit aamma siunissami lloqarfiit pingaarnersaat pillugu pilersarusiap piviusunngortinnissaanut ingerlatseqatigiiffiup suliai tiguniassammagit

NCD A/S Iserit A/S-imut ingerlatseqatigiiffittut ingerlatiinnarlugu ilanngunneqarnera

Inissiat 1.006-it ilanngullugit tunniunneqarnerini illunut pigisanut akitsuutit akilernerannginnissaat qulakkeerniarlugu siunnersuutigineqarpoq ingerlatseqatigiiffiit Siorarsiorfik Nuuk City Development A/S aamma Iserit A/S 01.01.2022 aallarnerfigalugu kattunneqassasut Iserit A/S ingerlatseqatigiiffittut ingerlatiinnarlugu.

Tamatuma saniatigut kommune marlunnik ingerlatseqatigiiffiuteqarnissaa immikkut pisortalinnik immikkullu siulersuisulinnik immikkullu illoqarfimmik nutarsaanissamut suliaqartunik kommunimut pissusissamisunngilaq. Taamaammat Iserit A/S ingerlatseqatigiiffiup pingaarnertut suliarissavai inissiateqartitsineq aamma inissianik aqutsineq.

NCD A/S-ip Iserit A/S-imut Iserit A/S-ip ingerlatseqatigiiffittut ingerlatiinnarlugu ilanngunnissaanut aalajangernermi, tamatumunnga atatillugu sanaartugassatut suliaassat aamma illut pigisat kommunip tigussavai NCD A/S-imilu inissiat Iserit A/S-imut ilanngunneqarlutik.

Illut pigisat atulersissimasat kommunimut allagartai ilanngullugit tunniunneqassapput sanaartukkatullu ingerlanneqartut entreprise atorlugu allakkatigut isumaqatigiissuteqarfigineqarlutik tunniunneqassapput suliaassallu suli aallartingitsut kommunip sanaartornermut missingersuutaanut ilanngunneqassallutik. Eqqaasitsissutigissallugu pingaaruteqarpoq illoqarfimmik nutarsaanerup ingerlanneqarnerata ajornaallisarnissaa siunertaralugu ilaatigut ersarinnerusumik aamma kommunip pisinnaatitsissutaata iluani kattutsitsineq pissasoq.

Matumani pineqartut tassaapput sanaartukkat naammassisat kiisalu sanaartugassatut pilersaarutit ingerlanneqartut illunut ingerlatsinermut attuumassuteqartut (atuarfiit aamma meeqqeriviit):

- ✓ Illoqarfiup qeqqani atuarfik nutaaq
- ✓ Illoqarfiup qeqqani meeqqerivik
- ✓ Qapiarfiusaami meeqqerivik
- ✓ Inussiviup eqqaani meeqqerivik
- ✓ Meeqqerivik Maligiaq
- ✓ Sinarsuani meeqqerivik
- ✓ Mitsimmavimmi meeqqerivik
- ✓ Qatserisartoqarfik

Kattunnermut atatillugu suliffeqarfiup nuunneqarnerani sulisut kommunimut imaluunniit Iserit A/S-imut inatsisit malillugit pissaaq.

Ingerlatsivimmit aningaasatigut sulisoqarnikkullu naliliinerit

Sanaartornerup akilerneratigut aningaasartuutaasullu aningaasaliiffigineratigut kommunip aningaasaqarnera siunissami qaninnerusumi artukkerneqassaaq. Akerlianilli piffissami nuussinermiit attartortitsinermut isumaqatigiissutaasup atorunnaarnissaata tungaanut sanaartukkat attartornerinut kommune aningaasartuuteqassanngilaq.

Kommunip ingerlatseqatigiiffiullu aningaasaqarnera sumiiffimmit ataasiinnarmeermat aaqqiissut siunissami ungasinnerusumi allaffissornikkut aningaasaliisarnikkullu aningaasartuutitut sipaarutaassaaq. Sanaartukkat taakkuuinnassapput, taamaammat aningaasat pissarsiariniakkat allanngortinneqassanngillat.

Aningaasaliisarnikkut aningaasartuutit appasinnerulissasut naatsorsuutigineqarpoq tassami kommune ingerlatseqatigiiffimmut sanilliullugu taarsigassarsinermi aningaasartuutigiligassai appasinnerussammata. Allaffissornermut aningaasartuutit appasinnerunissaat

naatsorsuutigineqarpoq tassami sanaartukkat allaffissornermut tunngasortai kommunip sanaartornermut immikkoortortaanut inissinneqassammata.

Naatsorsuutit teknikkitaatigut sanaartukkat nuunneqarnerini kommunimi annertuumik amigartooruteqaataassaaq tassami pissarsiarinerini aningaasat sanaartukkatut aningaasartuutitut ilanngutissagamik kommunillu isertitaatigut taarsigassarsinerimi aningaasaliineq angeqqataanik sunniinaviarani.

Siunissami attartornermut aningaasartuutit kommunip ingerlatsinermit aningaasartuutaanut sunniutaarutissapput taamaalilluni kommunip aningaasartuuteqarnissamut periarfissai Missingersuusiortarneq pillugu inatsimmi aalajangersakkat naapertorlugit killilersimaarneqassapput. Nuussinissamut najoqqutassat aalajangersarneqalereeripata nuussinermut malittarisassap aningaasaliiffiginissaanut sanaartornermut suliaasaqarfimmi ilassutitut aningaasaliisoqarnissaanik qinnuteqaammik saqqummiussisoqassaaq.

Taarsigassarsiasatut pisariaqartitat upalungaarsimanissaq ilanngullugu katillugit pisariaqartinneqarput 1.250.000.000 kr., ataani tabeli takuuk.

Pilersaarut	Sanaartornermut aki kr.
Illoqarfiup qeqqani atuarfik nutaag	695.000.000
Illoqarfiup qeqqani meeqqerivik	52.000.000
Qapiarfusaami meeqqerivik	45.000.000
Inussiviup eqqaani meeqqerivik	45.000.000
Meeqqerivik Maligiaq	52.000.000
Sinarsuani meeqqerivik	45.000.000
Mitsimmavimmi meeqqerivik	52.000.000
Qatserisartorqarfik	125.000.000
Immikkut akuerineqanngitsut aningaasat	139.000.000
Katillugit	1.250.000.000

Kommunip attartornermut missingersuutitigut NCD A/S-imut akiliutai 2024-miit 75.000.000 koruuniupput 2027-mi ukiunilu tulliini missingersuusiortarneq 78 mio. koruuningajannut qaffariarlutik. Aningaasat ukiuni 30-ni 1.250.000.000 koruuninik taarsigassarsinerimi erniaqartinneqarnerinut naafferartumillu taarsersuinermit maannamut naammattutut isigineqarput.

Kommunimiit attartorneq ingerlatseqatigiiffiup taarsigassarsilluni aningaasartuuteqarneranut akilerneqartassasoq naatsorsuutaareerpoq. Sanaartukkat appasinnerujussuarmik erniaqartillugit kommunip aningaasaliiffigininnaagai naatsorsuutigineqarpoq. Taamatut aqqiissuteqarnermi taamaattumik naatsorsuutigineqarpoq kommunimut annertuumik sipaarutaassasoq.

Tamanna tunngavigalugu inassuteqaatigineqarpoq Siorarsiorfik Nuuk City Development A/S-imiit sanaartornermut aamma atuarfintut meeqqerivinnullu tunngasut nuunneqarnissaasa aningaasaliiffiginissaanut kiisalu aningaasatigut upalungaarsimanissamut 1.250.000.000

koruuninik taarsigassarsinissamut akuersissummik kommune pissasoq eqqarsaatigalugu "siunniussaartoqarnissaa " »letter of intent« anguniarlugu Kalaallit Nunaanni Namminersorlutik Oqartussani Aningaasaqarnermut Naligiissitaanermullu Naalackersuisoqarfimmut kommunip allaffeqarfia saaffiginnissamut pisinnaatinneqassasoq.

Suliami matumani illut ingerlanneqartussat pineqarput imaluunniit kommunip aaqqiissutaani kommunip ingerlatsinertut suliassaatur ilanngullugit pineqartussat. Taarsigassarsinissaq Naalackersuisunit akuersissutigineqaqqaartussaavoq, taamaattoq akuersissut tunniunneqarsinnaavoq sanaartukkanut tapiissutit missingersuutitigut, pisortani aningaasartuutunik sipaaruteqarnikkut imaluunniit pisortani isertitaqarnerunikkut aningaasaliisoqanngikkaluarluni.

Suliffeqarfimmut Kiffartuussivimmit aningaasatigut naliliineq

Aningaasaqarnermut Allatseqarfiup saqqummiussaq tamakkiisutut isigaa. Taamaattumillu innersuussutigineqarpoq suliaq una akuersissutigineqassasoq, akuersissutigisassanngorlugillu Kommunalbestyrelsimut ingerlateqqinneqassasut.

Inatsisitigut tunngavissaq allakkallu tunngaviusumik uppersaatitalit

Kommunip taarsigassarsinarneranut malittarisassat ukuninnga tunngaveqarput:

- Kommunit Namminersorlutik Oqartussallu missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersoq.
- Suliffeqarfinnik tunniussisoqartillugu sulisut inatsisitigut inissisimanerat pillugu Inatsisartut peqqussutaat nr. 7, 5. december 2008-meersoq

Siusinnerusukkat aalajangiinerit

Aningaasaqarnermut Inuussutissarsiornermullu Ataatsimiititap, 16.05.22:

Inassuteqaat amerlanerussuteqartunit (IA, N aamma D) akuersissutigineqarpoq.

Siumumit inassuteqaat itigartissutigineqarpoq. Siumumit ikinnerussuteqartutut oqaaseqaat: Siumut oqaluuserisassat akuersissutigineqarnerinut atatillugu oqaatigaa, immikkoortoq immikkoortutut ammasutut suliarineqassasoq, innuttaasut kommunip atuineranik ilisimasaqarnissartik pisinnaatitaaffigimmassuk.

Siumut isumaqarpoq taarsigassarsiniarnissamut tunngatillugu inassuteqaat naammattumik erseqqissaatitaqanngitsoq, naatsorsorneqarnerani kisitsisit suut tunngavigineqarnerisut, aammalu sooq eqqoqqissaartumik 1,25 mia. koruunit taaneqarnerisut.

Siumut Nykredit´ip akissutaa kommunip taarsigassarsiniarnissaanut neriorsuutitut isiginngilaa, saqqummiunneqartut tunngavigalugit Siumut NCD´p Iserit´imut kattunnissaa isumaqataaffiginngilaa, aamma tamatumani suliap allatut isikkoqalernerani ingerlatseqatigiiffiup aqunneqarnera siulersuisuulu naammattumik ersarissarneqanngimmata.

Siumut erseqqissaatigissavaa, meeqqeriviliorerit atuarfiliorerlu tapersorsoratsigit, missingersuusiornermili siullermi NCD pillugu ernumassutit gruppimut allakkatigut oqaaseqaativut innersuussutiginnarlugit.

Ilanngussat

1. Kommunalbestyrelsip ataatsimiinneranit imaqarniliaq oktobarip sisamaanni 2016-imeersoq, matoqqasunik immikkoortortalik
2. Immikkoortoq matoqqasooq: 05D Illoqarfimik inerisaanermik pilersaarusiorneq – Siorarsiorfik januaarip 31-ani 2017-imeersoq
3. Inuiaqatigiinnut aningaasaqarnikkut kingunerisassanik nalilersuineq
4. Piumasaqaatit pingasut pillugit sulinermi najoqqutassaq
5. Akiitsut erniallit ilanngaaseriikkat siumoortumik akiliuteqarfiginissaat pillugu nassuiaat



6. Pisortat namminersortullu peqatigiillutik aningaasalersuineranni pitsaaqutit pitsaanngequtillu
7. Naalackersuisunut ilisimatitsissut 23. maaji 2017-imeersoq
8. NyKreditimit maili
9. Aningaasaqarnermut Naalackersuisoqarfimmit maili
10. NCD ilanngussanut erseqqissaat
11. Kommunip ingerlatsiviutai
12. Kattussuunnermi akileraarutitigut naatsorsuutitigullu kingunerisassai pillugit nassuiaat

Punkt 3: Lukket

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 15.40.